

AKHBAR : BERITA HARIAN
MUKA SURAT : 7
RUANGAN : DASAR & PENTADBIRAN

Perluas larangan merokok di kampus

• Jangkaan dikuatkuasakan tahun ini di universiti awam, swasta

Oleh Suhaila Shahrul Anuar
 cnews@nsp.com.my

■ Putrajaya

Kementerian Kesihatan bercadang memperluaskan kawasan larangan merokok di semua institusi pengajian tinggi (IPT) di negara ini.

Ketua Pengarah Kesihatan, Datuk Dr Noor Hisham Abdullah, berkata larangan itu dijangka dikuatkuasakan tahun ini susulan penguatkuasaan larangan merokok di tempat makan dan dalam bangunan di kawasan Parlimen.

"Kita bercadang menguatkuasakannya di semua universiti, baik awam mahu pun swasta," katanya selepas majlis pelancaran Buku Fakta Industri Persatuan Farmaseutikal Malaysia (PhAMA) edisi 2018

yang disempurnakan oleh Menteri Kesihatan, Datuk Seri Dr Dzulkefly Ahmad, di sini, semalam.

Yang turut hadir, Presiden PhAMA, Chin Keat Chyuan.

UiTM isytihar kampus kawasan larangan merokok

Pada masa ini, Universiti Teknologi MARA (UiTM) mengisyiharkan kampusnya sebagai kawasan larangan merokok bagi khalitanan dan pelajar dan akan diperluaskan kepada pelawat, kata Timbalan Naib Canselor Hal Ehwal Pelajar Universiti Teknologi MARA (UiTM), Prof Datuk Dr Abdullah Mohamad Said.

Pada 15 Oktober tahun lalu, larangan merokok dikuatkuasakan dalam bangunan di kawasan Parlimen, manakala pada 1 Januari lalu, larangan merokok di tempat makan dikuatkuasakan.



Dr Noor Hisham Abdullah

Industri farmaseutikal dijangka terus berkembang
 Sementara itu, Keat Chyuan berkata, pertumbuhan industri farmaseutikal negara dijangka terus berkembang kepada lapan hingga 10 peratus setiap tahun, dipengaruhi pelbagai faktor termasuk peningkatan populasi warga tua.

Katanya, faktor lain termasuk peningkatan penyakit tidak berjangkit (NCD), peningkatan pendapatan dan taraf pendidikan penduduk.

"Ketika ini, lebih 445 syarikat termasuk beberapa syarikat farmaseutikal terbesar dunia bertaraf di Malaysia."

"Semua syarikat ini sama-sama menyumbang terhadap nilai pasar industri farmaseutikal sebanyak RM7.5 billion setakat suku ketiga tahun lalu," katanya.

AKHBAR : KOSMO

MUKA SURAT : 16

RUANGAN : NEGARA

Separuh premis di Terengganu gagal pamer notis larangan merokok

KUALA TERENGGANU
- Hampir 50 peratus premis makanan meliputi restoran, medan selera dan gerai makan di Terengganu didapati masih gagal memperkenan papan tanda larangan merokok.

Pengarah Kesihatan Terengganu, Dr. Mohd. Ju-soh berkata, kegagalan itu melibatkan sebanyak 1,368 premis daripada 2,838 premis makanan yang diperiksa pasukan penguatkuasa Jabatan Kesihatan negeri sejak hari pertama penguatkuaasan larangan merokok pada 1 Januari



MOHD. (tengah) memasang papan tanda larangan merokok di Medan Selera KT Walk di Kuala Terengganu semalam.

hingga kelmarin.

"Kesemua premis makanan yang gagal memperkenan tanda larangan merokok terbabit telah diberikan notis amaran. Daerah Kuala Terengganu mempunyai tanggungjawab untuk me-

notis amaran tertinggi kepada pengusaha premis makanan tersebut iaitu 269.

"Ia diikuti Hulu Terengganu (254), Besut (203), Kemaman (201), Kuala Nerus (182), Setiu (104), Dungun (89) dan Marang (66)," katanya ketika ditemui selepas melakukan pemantauan penguatkuaasan larangan merokok di premis makanan di Medan Selera Kuala Terengganu Walk di sini semalam.

Menurut Mohd. lagi, setiap pengusaha premis makanan mempunyai tanggungjawab untuk me-

masang tanda larangan merokok mengikut spesifikasi betul iaitu berukuran 50 sentimeter (cm) x 40 cm di lokasi yang mudah dilihat pelanggan.

Begitupun katanya, beliau berpuas hati apabila sepanjang pemantauan yang dilakukan mendapat tiada pengusaha dan pekerja kedai makan yang didapati merokok dan kehadiran anggotanya mendapat kerjasama baik dari-pada semua pihak.

Dalam perkembangan berkaitan, beliau berkata, pasukan penguatkuasa

jabatannya juga telah mengeluarkan 88 notis amaran kepada pelanggan di seluruh negeri itu yang didapati masih merokok di premis makanan sejak penguatkuaannya bermula.

"Setakat ini, hanya notis amaran dikeluarkan sebagai langkah pendidikan dalam tempoh enam bulan sebelum penguatkuaasan penuh mulai 1 Julai depan yang memperturunkan hukuman denda maksimum RM10,000 atau penjara sehingga dua tahun bagi kesalahan merokok di premis makanan itu," katanya.

AKHBAR : SINAR HARIAN**MUKA SURAT : 12****RUANGAN : NASIONAL**

Larangan merokok akan diperluas ke IPTA,IPTS

PUTRAJAYA - Kementerian Kesihatan sedang menimbang kemungkinan meluaskan lagi kawasan larangan merokok sehingga meliputi kekawasan institusi pengajian tinggi seperti sekolah-sekolah swasta dan awam, serta universiti tahun ini.

Ketua Pengarah Kesihatan, Datuk Dr Noor Hisham Abdullah berkata, rancangan itu sedang ditimbangkan selaras dengan fokus kementerian untuk melindungi hak kalangan mereka yang tidak menghisap rokok, merangkumi kira-kira 80 peratus daripada penduduk negara.

"Agenda Kementerian Kesihatan ialah memberi tumpuan terhadap usaha mewujudkan persekitaran sihat untuk golongan bukan perokok.

"Mereka yang merokok boleh meneruskan tabiat mereka, tapi perlu menghormati hak bukan perokok," katanya kepada pemberita selepas melancarkan buku



NOOR HISHAM

Pharmaceutical Association of Malaysia (PhAMA) Industry Fact Book: 2018 Edition oleh Menteri Kesihatan, Datuk Seri Dr Dzulkefly Ahmad di sini, semalam.

Sebelum ini, perintah larangan merokok dikuat kuasa di bangunan

Parlimen, diikuti premis menjual makanan mulai tahun ini, di bawah Peraturan-peraturan Kawalan Hasil Tembakau (Pindaan) 2018, dan selepas itu pihak kementerian dikatakan turut sedang menimbang kemungkinan menguatkuasa larangan berkenaan di kedai dobi dan hotel.

Dalam tempoh enam bulan pelaksanaan larangan merokok di premis menjual makanan, penguatkuasa Kementerian Kesihatan tidak akan mengenakan kompaun, hanya mengeluarkan surat amaran, dan selepas tempoh itu sesiapa yang didapati bersalah boleh didenda sehingga RM10,000, atau dipenjara sehingga dua tahun.

AKHBAR : UTUSAN MALAYSIA
MUKA SURAT : 20
RUANGAN : DALAM NEGERI

'Warkah' Pengarah Kesihatan Kedah

Oleh MUHAMAD AIMY AHMAD
 pengarang@utusan.com.my

■ ALOR SETAR 8 JAN.

PENGARAH Kesihatan negeri, Datuk Dr. Norhizan Ismail meluahkan perasaan kecewa warga kesihatan susulan dicaci seorang waris pesakit melalui satu status dalam Facebook berkaitan perkhidmatan di Hospital Baling, baru-baru ini.

Menerusi hantaran dalam akaun Facebook beliau malam tadi, Dr. Norhizan memberi penjelasan panjang lebar berkaitan situasi yang dihadapi waris berkenaan ketika membawa kakanya yang berusia 55 tahun ke hospital itu akibat tekanan darah tinggi dan demam.

Jelas Dr. Norhizan, pengadu terbabit membangkitkan isu terpaksa menunggu terlalu lama iaitu dari pulak 5 petang sehingga hampir pulak 2 pagi bagi mendapatkan keputusan darah.

"Saya selaku Pengarah Kesihatan negeri amat menghargai jika terdapat sebarang isu atau perkara berbangkit, sila cuba dapat maklumat yang tepat sebelum membuat sebarang tuduhan tanpa asas."

"Sekiranya memang bermuat untuk membuat aduan, kami alu-alukan perkara itu disalurkan secara terus kepada pihak hospital atau saluran yang disediakan. Kami warga hospital dan kesihatan pun manusia yang punya hati dan perasaan, ungkapan cacaian 'celaka' pastinya amat-amat mengecewakan kami," katanya.

Dalam perkongsian hantaran waris terbabit, pengadu menuis: Hospital Baling, perkhidmatan macam celaka, nak tunggu keputusan darah sahaja kena tunggu berjam-jam. Masuk Zon Kuning dari pulak 5 petang sampai pulak 2 pagi belum selesai lagi.

Menurut Dr. Norhizan, hasil



DR. NORHIZAN ISMAIL

siasatan mendapati kes itu didaftarkan pada pulak 6.02 petang dan disaring kali kedua tiga minit kemudian, namun disebabkan kesesakan yang dihadapi Jabatan Kecemasan, pesakit itu diperiksa oleh doktor pada pulak 7 petang.

"Setelah pemeriksaan teliti dijalankan, doktor telah memberi rawatan untuk tekanan darah tinggi. Doktor turut mengarahkan ujian darah dan air kencing dilakukan dan menjadi prosedur rawatan pesakit yang menjalani hemodialisis serta mengalami demam, perlu melakukan ujian air kencing bagi memastikan tiada jangkitan kuman.

"Pengadu (waris) mengadu tunggu lama untuk keputusan ujian darah tetapi isu sebenarnya adalah menunggu keputusan ujian air kencing. Siasatan

Norhizan Ismail
 1 hr · 9

7 Januari 2019
 Salam semua. Semoga dalam sihat sejahtera hendaknya (Maaf, coretan kali ni agak panjang)

Hari ini, 7 Januari 2019, permulaan tahun baru yang cukup mencabar apabila ada yang "menCELAKAKAN" imau kerana TERPAKSA meminjam ungkapan pengadu Perk... See more

pukul 5 pagi sampai pulak 2 pagi selesai

Macam ni punya gaya boleh mampoihhh.org

Kategori 2 HA saja

Like Comment Share

5 and 83 others

Load previous comments

Tau x pa opsss satgi ada pik staff yg marah2 org ramai dok Kompleen btahun dah aritu doarah andri pun ckap nk mai

TANGKAP layar hantaran Facebook

Dr. Norhizan Ismail berhubung luahan rasa kecewa pihaknya berikutnya celaan waris pesakit terhadap perkhidmatan diberikan.

mendapati arahan kepada pesakit untuk memberi sampel air kencing pada pulak 8 malam,

tapi pesakit hanya dapat memberi sampel itu pada pulak 1 pagi," katanya.

Tambah beliau, keputusan air kencing itu diperoleh kira-kira sembilan minit kemudian, namun pada masa sama, pesakit juga perlu diletakkan di bawah pemerhatian disebabkan tekanan darah tinggi yang harus dipantau.

"Setelah keputusan disemak dan tekanan darah stabil, pesakit dibenarkan pulang pada pulak 3 pagi. Pengadu seharusnya faham kelewatan keputusan ujian makmal bukan semestinya kelewatan pihak hospital kerana ia juga boleh disebabkan pesakit tidak dapat memberi sampel untuk ujian makmal," katanya.

Di akhir luahannya itu, Dr. Norhizan sempat berpesan kepada anak-anak buah beliau agar terus memberi bantuan dan perkhidmatan terbaik kepada semua (pesakit) serta mendoakan agar Allah SWT sentiasa memberkati dan memudahkan pekerjaan mereka.

AKHBAR : UTUSAN MALAYSIA**MUKA SURAT : 10****RUANGAN : DALAM NEGERI**

Cadangan perluas larangan merokok di universiti

PUTRAJAYA 8 Jan. - Cadangan Kementerian Kesihatan untuk memperluaskan kawasan larangan merokok di semua institusi pengajian tinggi di seluruh negara dijangka dikuatkuasakan pada tahun ini.

Ketua Pengarah Kesihatan, Datuk Dr. Noor Hisham Abdullah berkata, cadangan larangan itu susulan daripada penguatkuasaan larangan merokok di premis makanan dan dalam bangunan di kawasan Parlimen.

"Kami (Kementerian Kesihatan) sudah melakukannya di Parlimen dan restoran, sekarang mungkin akan diperluaskan ke universiti.

"Kami merancang untuk menguatkuasakannya di semua

universiti termasuk awam dan swasta. Ia mungkin dalam tahun ini," katanya.

Beliau berkata demikian kepada pemberita ketika ditemui dalam majlis pelancaran Buku Fakta Industri Persatuan Farmaseutikal Malaysia (Phama) Edisi 2018 oleh Menteri Kesihatan, Datuk Seri Dr. Dzulkefly Ahmad di sini hari ini.

Yang turut hadir, Presiden Phama Chin Keat Chyuan.

Kementerian Kesihatan pada Oktober tahun lalu menguatkuasakan larangan merokok dalam bangunan di kawasan Parlimen, manakala pada 1 Januari lalu pula larangan merokok di premis makan dikuatkuasakan.

**NOOR HISHAM**

AKHBAR : NEW STRAITS TIMES
MUKA SURAT : 7
RUANGAN : NATION

NEXT MOVE

SMOKE-FREE VARSITIES SOON?

We are planning to gazette it this year, says Health D-G

NOR AIN MOHAMED RADHI
PUTRAJAYA
news@nst.com.my

THE Health Ministry is planning to make universities smoke-free zones this year.

Health director-general Datuk Dr Noor Hisham Abdullah said the move would follow the ban on smoking in Parliament since Oct 15 and at eateries on Jan 1.

"We are planning to gazette it at all universities probably within this year," he said after attending the launch of the *Pharmaceutical Association of Malaysia (PhAMA) Industry Factbook: 2018 Edition*.

The book was launched by Health Minister Datuk Seri Dr Dzulkefly Ahmad. Present was PhAMA president Chin Keat Chyuan.

Smoking in Parliament is prohibited, with smoking corners closed. On Jan 1, a smoking ban took effect at eateries, with smokers having to be at least 3m away from the premises before they can light up.



Health director-general Datuk Dr Noor Hisham Abdullah (inset) says the smoke-free zones will apply to all universities.